

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01-____/17
Datum: ____2017. godine

Nacrt

Na osnovu Zaključka Općinskog vijeća 01-49-2-438-2/17 od 3.3.2017. godine ("Službeni glasnik Općine Tešanj" broj 2/17), člana 13. stav 2. alineja 3. Zakona o principima lokalne samouprave u FBiH ("Službene novine FBiH" broj 49/06) i člana 14. Statuta Općine Tešanj ("Službeni glasnik Općine Tešanj" broj 11/07) Općinsko vijeće na svojoj ____ sjednici održanoj ____2017. godine donosi

**ODLUKU
o usvajanju Strategije razvoja općine Tešanj 2018 - 2022**

Član 1.

Ovom Odlukom usvaja se *Strategija razvoja općine Tešanj 2018 - 2022* kao temeljni dokument kojim su definisani strateški pravci razvoja općine Tešanj.

Član 2.

Zadužuje se Općinski načelnik da definiira prioritete i odredi nosioce za dostizanje postavljenih ciljeva na godišnjem nivou.

Pored toga, Općinski načelnik je u obavezi najmanje jednom godišnje informisati Općinsko vijeće o stepenu realizacije postavljenih ciljeva, te predlagati izmjene i dopune postavljenih ciljeva.

Član 3.

Sredstva potrebna za realizaciju postavljenih ciljeva u Strategiji razvoja općine Tešanj osiguravaju se kroz Budžet Općine Tešanj, kroz budžete viših nivoa vlasti, vanbudžetske fondove, te kroz sredstva grantova drugih domaćih i međunarodnih institucija.

Član 4.

Sastavni dio ove odluke je tekst Strategije razvoja općine Tešanj 2018 - 2022.

Član 5.

Stupanjem na snagu ove Odluke prestaje da važi Odluka o usvajanju Strategije razvoja općine Tešanj 2018 ("Službeni glasnik Općine Tešanj" broj 3/13).

Član 6.

Ova Odluka stupa na snagu osmog dana od dana objavljivanja u "Službenom glasniku Općine Tešanj".

**PREDSJEDAVAJUĆI OV
Senad N. Subašić**

OBRAZLOŽENJE

Pravni osnov za donošenje Odluke o usvajanju Strategije razvoja općine Tešanj 2018 - 2022 sadržan je u sljedećim propisima:

- član 13. stav 2. alineja 3. Zakona o principima lokalne samouprave u FBiH ("Službene novine FBiH" broj 49/06);
- Zaključak Općinskog vijeća 01-49-2-438-2/17 od 3.3.2017. godine ("Službeni glasnik Općine Tešanj" broj 2/17);
- član 14. Statuta Općine Tešanj ("Službeni glasnik Općine Tešanj" broj 11/07).

RAZLOZI ZA DONOŠENJE

Na osnovu ukazane potrebe i prijedloga Općinskog načelnika, Općinsko vijeće je donijelo Zaključak o pristupanju izradi Strategije razvoja općine Tešanj broj 01-49-2-438-2/17 od 3.3.2017. godine ("Službeni glasnik Općine Tešanj" broj 2/17) i Rješenje o imenovanju razvojog tima za izradu Strategije razvoja općine Tešanj za period 2018-2022 (ORT) ("Službeni glasnik Općine Tešanj" broj 4/17 i 6/17). Nakon navedenih akata Općinski načelnik je formirao četiri radna tima za izradu Strategije i to za društveni sektor, ekonomiju, mlade i životnu sredinu. Prilikom izrade Strategije razvoja imenovani timovi su koristili MIPR-o metodologiju u saradnji sa konsultantima iz UNDP-a BiH.

Strategija je urađena u skladu sa politikama i strategijama na nivoima BiH, FBiH i Razvojnomo strategijom ZDK, a također je usklađena i sa međunarodnim pravnim aktima koji se odnose na poštivanje ljudskih prava, prava djece, prava manjina, lica sa posebnim potrebama, kao i drugim relevantnim preporukama međunarodnih institucija.


U prilogu ove odluke:

- Strategija razvoja općine Tešanj 2018 - 2022 (nacrt)
- Alat iz koherentnosti

S obzirom na sve navedeno, predlaže se Općinskom vijeću usvajanje ove Odluke i provođenje javne rasprave u trajanju od 60 dana.


OBRADIVAČ

Služba za boračko-invalidsku zaštitu i opću upravu



Sabahduin Omerbašić

PREDLAGAČ OPĆINSKI NAČELNIK



mr.sc. Suad Huskić

Broj: 08-02-1-2401/17

Datum: 24.10.2017. godine